

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

Sadržaj biltena:

Općina Tešanj primljena u članstvo porodice Europskih energetskih gradova	1
Saradnja općina Bužim i Bosanska Krupa	1
Višemilionska investicija u industrijsku zonu "Luka" u Ilijašu	2
145.000 KM za obnovu sistema vodosnabdjevanja u B.Garahovu	2
U Cazinu počeli radovi na glavnom kolektoru kanalizacionog sistema	3
Rekonstrukcija kanalizacione mreže u B.Petrovcu	3
Potpisan sporazum o gradnji regionalne deponije u Mostaru	3
Izgradnja postrojenja za prečišćavanje otpadnih voda na području općine Živinice privodi se kraju	4
Otpočela kulturna i turistička saradnja Cazina i Šile	4
Studijsko putovanje u Brisel o "EU regionalnim politikama"	5
E-Learning kurs - Planiranje korištenja urbanog zemljišta	5
BiH omogućen pristup programu "Evropa za građane"	6
Institut evropskih regija - 8. Konferencija evropskih regiona i gradova	8

Bilten Saveza općina i gradova Federacije Bosne i Hercegovine

OPĆINA TEŠANJ PRIMLJENA U ČLANSTVO PORODICE EUROPSKIH ENERGETSKIH GRADOVA

TEŠANJ, 25. juli/srpanj – Općina Tešanj je primljena u članstvo ENGAGE mreže gradova, kao jedna od prvih 150 gradova u Europi, javljeno je iz sjedišta Energycities (Europsko udruženje jedinica lokalne samouprave koje promišljaju o svojoj energetskej budućnosti) u Basancon, Francuska. Ovim je Općina Tešanj uključena u ENGAGE kampanju i postala dio velike europske mreže gradova za razmjenu informacija o energetskej efikasnosti.

Prema riječima Doc.dr. Ismar Alagić-a, Savjetnika općinskog načelnika i vođe projekta ENGAGE, aktivnosti na uključivanju Općine Tešanj traju već određeno vrijeme kroz kontakte koji su ostvareni sa gradovima Heidelberg u Njemačkoj i Ivanić-grad u Hrvatskoj kao partnerima u projektu. U narednom periodu, Općina Tešanj će poduzeti brojne aktivnosti na pripremi ENGAGE kampanje i izradi postera kao instrumenta za podizanje svijesti u predmetnom području. Koristi od navedenog projekta su brojne i ogledaju se u mogućnosti da se uči od onih koji su europski lideri u području energetske efikasnosti i promocije "zelene energije" (obnovljivi izvori energije). Ovo otvara prostor i za partnerstva Općine Tešanj na brojnim zajedničkim projektima koje bi podržali EU-fondovi.




SARADNJA OPĆINA BUŽIM I BOSANSKA KRUPA



BUŽIM, 27. juli/srpanj – Problem vodosnabdjevanja i nedostatak pitke vode na području Općine Bužim sve je izraženiji, a posebno u rubnim dijelovima općine. Mještani zaseoka Mušići i Zelići u MZ Konjodor danas su inicirali sastanak načelnika općine Bužim Mirsada Šahinovića i načelnika općine Bosanska Krupa Armina Halitovića u cilju trajnog i kvalitetnog rješavanja vodosnabdjevanja stanovništva koje već mjesecima nema pitke vode iz lokalnih izvorišta, navodi se na web stranici Općine Bužim.

Ove godine je veoma loša hidrološka situacija pa je vode na lokalnim izvorima sve manje, a potrebe stanovništva koje se bavi poljoprivredom sve veće. Obzirom da je općina Bosanska Krupa izgradila moderan i funkcionalan vodovod koji završava u Mahmić selu, a koje graniči sa općinom Bužim, otvorila se mogućnost spajanja ovog vodovoda na rubna naselja općine Bužim. Na današnjem sastanku sa mještanima dogovoreni su konkretni koraci u realizaciji ovog projekta kojeg će voditi JKP „10. juli“ iz Bosanske Krupe. Načelnici općina Bužim i Bosanska Krupa su potvrdili svoju spremnost da pomognu građanima u rješavanju ovog bitnog životnog pitanja posebno zbog činjenice da se radi o naseljima čiji se stanovnici bave poljoprivredom i poljoprivrednom proizvodnjom. Posebno su naglasili da očekuju od Općinskih vijeća općina Bužim i Bosanska Krupa donošenje potrebnih odluka u cilju što skorijeg rješavanja pitanja vodosnabdjevanja stanovnika ovih u ljetnom periodu ugroženih naselja i njenih stanovnika.



Grb Općine Ilijaš

VIŠEMILIJUNSKA INVESTICIJA U INDUSTRIJSKU ZONA LUKA U ILIJAŠU

30. juli/srpanj – Općina Ilijaš je krenula u osnivanje Industrijske zone Luka koja će se prostirati na 16,6 hektara zemljišta koje se nalazi 20 kilometara od Sarajeva, 58 od Zenice, a prednost joj je što postoji mogućnost povezivanja sa industrijskom zonom "Željezara", te blizina željezničke pruge Bosanski Šamac - Sarajevo i Međunarodnog aerodroma u Sarajevu.

Općinsko vijeće je prije nekoliko dana donijelo odluku o osnivanju. Urađen je i idejni projekt koji je radio Zavod za planiranje razvoja Kantona Sarajevo. Industrijska zona "Luka" je inače, jedan od najvažnijih projekata u strategiji razvoja te Općine, a ukoliko bi se realizirao, prema procijenama, za prve tri godine njegove realizacije posao bi dobilo od 300 do 500 osoba.

Mirza Marukić, viši stručni suradnik za privredu, zapošljavanje i lokalni razvoj u Općini Ilijaš, kaže za eKapiju, da očekuju da će u njoj mjesto naći do 50 novih privrednih subjekata. Ovih 50 lokacije se kreću od 800 m² do 5.700 m² sa mogućnošću udvajanja parcela.

Marukić ističe da se radi o zoni u kojoj će biti pretežito zastupljeni prehrambeno-prerađivačke, drvoprerađivačke i metaloprerađivačke djelatnosti.

Od privatnih vlasnika Općina je otkupila oko 1,6 hektara zemljišta. Za tekuću godinu, planiran je otkup dodatnih oko 1,5 ha zemljišta, koje bi se nadovezivalo na već otkupljeni dio zemljišta. Za navedeni otkup Općina je planirala investirati sredstva u iznosu od oko 300.000 KM, koja očekuje da će dobiti od Ministarstva privrede Kantona Sarajevo.

Idući korak bio bi proces izrade infrastrukture koji će uglavnom financirati Općina, ali i više razine vlasti. Iz tog razloga su, kaže, već aplicirali za sredstva Federalnog ministarstva razvoja poduzetništva i obrta koja su namijenjena izgradnji poduzetničkih zona.

Zona će se graditi u fazama. U prvoj fazi planirana je izgradnja 22 nova industrijsko-poslovna objekta površine od 30.096,00 m² koja će se prostirati na 7,6 ha. Procijenjeni troškovi uređenja građevinskog zemljišta I faze (bez elektroinžinjeringa) iznose 799.280,00 KM.

Što se tiče izgradnje putne infrastrukture do poslovne zone u dokumentu "Strategija održivog razvoja općine Ilijaš za period 2013.-2017. godine" već 2013. godine planirana je implementacija projekta izgradnje pristupnog puta i mosta do zone u ukupnoj vrijednosti od 700.000 KM, od čega bi Ministarstvo privrede KS osiguralo 50%, a 50% Općina Ilijaš.

Što se tiče izgradnje potrebne infrastrukture unutar poslovne zone u strategiji Općine u periodu 2013. -2017. godine planirana je implementacija projekta uređenja građevinskog zemljišta (put, vodovod, kanalizacija, PTT, rasvjeta, gasifikacija) u ukupnoj vrijednosti od 2.000.000 KM, od čega bi Ministarstvo privrede KS osiguralo 50%, a 50% općina Ilijaš.

Procjenjuje se da će za izgradnju infrastrukture biti potrebno oko 7 miliona KM. (eKapija)



Industrijska zona "Luka" - ILIJAŠ

KORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Od 1996. godine do danas,
vlada Japana donirala je oko
1.220.000 eura za projekte
vodosnabdijevanja širom
BiH.



Bosansko Grahovo

145.000 KM ZA OBNOVU SISTEMA VODOSNABDJEVANJA U B.GRAHOVU



Vlada Japana osigurala je grant sredstva od 74.228 eura (oko 145.000 KM) Općini Bosansko Grahovo za projekt obnove sistema vodosnabdijevanja.

Urađena je zamjena vodovodnih cijevi u dužini od 3.681 metar na potezu od sela Peći do Gradine. Zahvaljujući ovom projektu gubitak vode u vodovodnoj mreži bit će smanjen za 30 posto. To će u značajnoj mjeri smanjiti probleme u vodosnabdijevanju u urbanom dijelu općine, posebno tokom sušnih perioda.

Obnova sistema vodosnabdijevanja imat će uticaja i na smanjenje troškova održavanja mreže koji su u proteklom periodu bili visoki usljed velikih oštećenja na cijevima.

Od 1996. godine do danas, vlada Japana donirala je oko 1.220.000 eura za projekte vodosnabdijevanja širom BiH.

Savez / Zajedno za uređenu i razvijenu lokalnu samoupravu

U CAZINU POČELI RADOVI NA GLAVNOM KOLEKTORU KANALIZACIONOG SISTEMA



Višegodišnja priprema jednog od najvećih projekata desetljeća, na području općine Cazin, rezultirala je početkom radova. Riječ je o kanalizacionom sistemu općine Cazin, na čijoj se pripremi radi već nekoliko godina, od projektne dokumentacije do građevinskih saglasnosti i najznačajnije stavke, finansijskih sredstava. Upravo po uspješnim aplikacijama za ovaj projekat prema različitim fondovima i izvorima finansiranja, općina Cazin je među najuspješnijim u BiH, što dokazuju i već odobrena donatorska sredstva.

U prvoj fazi biće izgrađen dio glavnog kolektora u dužini od 2.000 m koji prolazi kroz gradsko područje, što sigurnom predstavlja i najkompliciraniju fazu u cjelokupnom projektu. Ukupna vrijednost ugovorenih radova iznosi 267.000,00 KM.

Izvođač radova je cazinska firma Beganović d.o.o, čiji je predstavnik naglasio da će sve učiniti kako bi se ova dionica u gradu što prije privela kraju, s obzirom na ograničenja saobraćaja i parkiranja. Treba naglasiti da će i Elektrodistribucija uporedo sa ovim radovima izvršiti polaganje svojih instalacija, što će značiti da će ovaj dio grada, zajedno sa centralnim trgom biti u potpunosti riješen kada su u pitanju podzemne instalacije.



REKONSTRUKCIJA KANALIZACIONE MREŽE U B.PETROVCU

U sklopu realizacije sveobuhvatnog projekta izgradnje i rekonstrukcije kanalizacione mreže u Bosanskom Petrovcu, u toku je realizacija dijela fekalne kanalizacione mreže na Kanalu-7 dužine 769m, koji se finansira od strane Fonda za zaštitu okoliša Federacije Bosne i Hercegovine.

Sredstva u vrijednosti od 100.000,00 KM su obezbijedena na taj način da je Općina aplicirala na Javnom konkursu kod Fonda za zaštitu okoliša Federacije Bosne i Hercegovine. Ugovorena vrijednost radova iznosi 93.000,00 KM, a izvođač radova je d.o.o „Komunalno“ Bosanski Petrovac.

Rekonstrukcijom Kanala-7 se obezbijeduje odvođenje otpadnih fekalnih voda iz dijela ulice Pekiska i Linića lokva, koji do sada nisu imali na adekvatan način riješen ovaj problem.



Sredstva u vrijednosti od 100.000,00 KM su obezbijedena na taj način da je Općina aplicirala na Javnom konkursu kod Fonda za zaštitu okoliša Federacije Bosne i Hercegovine.

POTPISAN SPORAZUM O GRADNJI REGIONALNE DEPONIJU U MOSTARU

25. juli/srpanj – Predsjednik Federacije Bosne i Hercegovine Živko Budimir potpisao je Projektni sporazum sa Međunarodnom bankom za obnovu i razvoj za izgradnju nove sanitarne deponije i postrojenja za reciklažu na području Mostara.

Međunarodna banka za obnovu i razvoj je u ulozi administratora Evropske komisije za Trust fond predpristupnog instrumenta EU za Drugi projekt čvrstog otpada (za područje Mostara i Banjaluke).

Projekt ima za cilj rehabilitaciju postojeće deponije Uborak u Mostaru. S obzirom da je kapacitet deponije Uborak gotovo potpuno iskorišten, planirana je rehabilitacija i proširenje deponije na ukupno 11 hektara. Aktivnosti obuhvaćene projektom uključuju izgradnju nove sanitarne deponije koja će zadovoljavati potrebe šire regije, putem čega bi se osigurao kapacitet za najmanje 30 idućih godina, te izgradnju postrojenja za reciklažu sukladno zahtjevima EU.



Grb Grada Mostara



Grb Općine Živinice

IZGRADNJA POSTROJENJA ZA PREČIŠĆAVANJE OTPADNIH VODA NA PODRUČJU OPĆINE ŽIVINICE PRIVODI SE KRAJU

ŽIVINICE, 12. juli/srpanj – Izgradnja postrojenja za prečišćavanje otpadnih voda na području Općine Živinice predstavlja jedan od najvećih projekata u BiH, a radovi na izgradnji ovog postrojenja ovih dana privode se kraju. To je bio razlog da Općinski načelnik Hasan Muratović i njegovi saradnici ponovo obiđu gradilište, navodi se na web stranici Općine Živinice.

„Izvođač radova firma Strabag ovih dana privodi kraju izgradnju postrojenja za mehanički tretman otpadnih voda, dakle dio postrojenja koji je već ugovoren. Inače ovo postrojenje je kapaciteta nekih 42.000 stanovnika što predstavlja zaista ogroman broj i pomak obzirom da su se kompletne fekalne vode do ovog projekta ispuštale u rijeku Oskovu i rijeku Spreču“ kazao je načelnik Općine Živinice Hasan Muratović.

Vrijednost ovog projekta je oko 8 miliona KM, a predstavlja značajan doprinos da jezero Modrac postane istinski resurs pitke vode za cijeli Tuzlanski kanton.

Prema riječima voditelja projekta Nedima Zuhrića probni rad ovog postrojenja će započeti u augustu i trajat će jedan mjesec, što znači da bi u septembru trebalo biti zvanično puštanje u rad postrojenja mehaničkog prečišćavanja vode.

„Veći dio građevinskih radova je završen, preostaju nam radovi na vanjskom uređenju i na finoj montaži hidromašinske opreme, također počeli su radovi na montaži elktro opreme i predstoji nam još jedan period uštlimavanje opreme kako bi sve funkcionisao prije početka probnog rada“ rekao je voditelj projekta ispred firme Štrabag Nedim Zuhrić.

Nakon probnog rada očekuje se zvanično puštanje u rad i tretiranje otpadnih voda kompletnog grada Živinica i prigradskih područja.

Nakon izgradnje ove faze planirana je naredena faza izgradnje ovog postrojenja, koja obuhvaća biološki tretman otpadnih voda. Iako sredstva za ovu fazu još nisu obezbjeđena, načelnik Muratović ističe da će uz pomoć Svjetske banke uspjeti obezbjeđiti i preostala 3 miliona KM, kako se ne bi stajalo sa radovima, kako bi se krenulo sa izradom kompletnog sadržaja odnosno ove završne faze biloškog tretmana.



KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

OTPOČELA KULTURNA I TURISTIČKA SARADNJA CAZINA I ŠILEA

U periodu od 13. - 15. 7. 2012. godine održan je festival Šile Bezi u našoj prijateljskoj općini Šile, jednoj od Istanbulske općine. Festival Šile Bezi pokrenut je još prije 26 godina, a ovo je drugi put da ima internacionalne razmjere, jer je okupio umjetnike i zanatlije iz više zemalja svijeta kao što su: Ukrajina, Bjelorusija, Japan, Kina, Meksiko, Njemačka, Australija, Tunis, Alžir, Bugarska i Bosna i Hercegovina. Našu zemlju su ponosno predstavljali umjetnici Sead i Halida Emrić u pratnji direktora Agencije za razvoj Cazin (ARC) Amira Mulalića.

Bila je ovo prilika da se predstave neke tehnike kojima se bave umjetnici u BiH, a kako se Emrići bave umjetnošću koja je prožeta historijom BiH, motivima povelja bosanskih kraljeva iz srednjeg vijeka, motivima sa stećaka, motivima iz osmanskih fermana, to je BiH predstavljena u najboljem svijetlu. Ponosni bosanci bili su domaćini mnogim bosancima koji žive u Turskoj. Ljudi iz Australije, Kine, Japana i ostalih zemalja bili su više nego impresionirani pričom o BiH.

Jedna od najstarijih, a ipak najmanjih zemalja od svih predstavljenih stajala je rame uz rame sa velikim svjetskim kulturama. Zadovoljstvo radi kvalitetne prezentacije, te zahvalu za učešće na festivalu, uputio je načelnik općine Šile Can Tabakoğlu (Džan Tabakolu) na nedjeljnom druženju za odabrane zemlje, među kojima je bila i BiH. Na tom druženju, direktor Mulalić je u kraćem obraćanju rekao da je okupljanje na ovom mjestu sa plemenitim namjerama širenja kulture i upoznavanja različitosti, što ostavlja manje mjesta za zlo u svijetu.

Nakon razmijenjenih kontakata, poklona i podijeljenih letaka, delegacije su se vratile svojim kućama ponijevši lijepe uspomene i nadu u ponovni dolazak, a ostavljajući Šile u prelijepom ljetnom ambijentu i moru turista.



Savez / Zajedno za uređenu i razvijenu lokalnu samoupravu



STUDIJSKO PUTOVANJE U BRISEL O "EU REGIONALNIM POLITIKAMA"



Brussels 15-17 oktobra/listopada 2012

Evropska komisija organizira studijsko putovanje o „EU regionalnim politikama“ (LAF Study Tour on EU Regional Policy), koje je planirano od 15-17 oktobra/listopada 2012. godine.

Cilj studijskog putovanja je pružiti priliku za upoznavanje lokalnih i regionalnih predstavnika sa EU regionalnim politikama, zakonodavstvom i praksom. Studijsko putovanje je namijenjeno učesnicima sa područja zapadnog Balkana (Albaniji, Bosni i Hercegovini, Hrvatskoj, Kosovu, Makedoniji, Crnoj Gori i Srbiji). Broj učesnika je ograničen.

Krajnji rok za dostavu aplikacija je 23. avgust/kolovoz.

Molimo Vas da aplikacije šaljete na e-mail: DELEGATION-BIH-TAIEX@eeas.europa.eu

Aplikacija treba da sadrži popunjen prijavni formular, pismo interesa i CV.

Prvi postupak selekcije pristiglih aplikacija biće proveden od strane EU Delegacije u BiH, a postupak odabira će se voditi od strane Generalnog direktorata za proširenje u saradnji sa EUD program menadžerima zaduženim za pojedine oblasti.

Jezik studijskog putovanja je engleski. Dakle, aktivno znanje engleskog jezika je preduslov za prijavljivanje učesnika. Odabrani učesnici će biti direktno kontaktirani od strane Generalnog direktorata za proširenje, te je zbog toga potrebno da se u prijavi formular obavezno navede direktni broj telefona.

Više informacija imate u prilogu na engleskom jeziku, a slučaju da imate bilo koja pitanja u vezi sa aplikacijom, molim Vas kontaktirajte gđu. Esmiru Kesan na: esmira.KESAN@eeas.europa.eu



E-LEARNING KURS – PLANIRANJE KORIŠTENJA URBANOG ZEMLJIŠTA

E-Institut Svjetske banke pokreće e-learning kurs Sustainable Urban Land Use Planning. Kurs počinje 05. septembra/rujna, a traje do 23. oktobra/listopada 2012. godine. Kurs ima za cilj da pomogne učesnicima u funkcionalnom i integrisanom razumjevanju korištenja urbanog zemljišta i pokazati kako učinkovito koristiti politiku i instrumente planiranja za upravljanje urbanim razvojem i postizanje održivih, nepristrasnih i učinkovitih rezultata razvoja.

Kurs sadrži sedam specijalizovanih modula (za više informacija o modulima možete pogledati informacioni list niže). Kurs je na engleskom jeziku i biće realiziran kroz E-Institut Svjetske banke (E-Institute of the World Bank). Kurs je usmjeren prema uposlenicima koji se bave urbanim planiranjem zemljišta, zvaničnim predstavnicima lokalnih zajednica i donosiocima odluka iz Albanije, Bosne i Hercegovine, Hrvatske, Kosova, Makedonije, Crne Gore i Srbije.

E-learning kurs podrazumjeva određene troškove za učesnike, ali će za 20 učesnika iz sedam zemalja jugoistočne Evrope biti omogućeno oslobađanje od participacije.


Pravilo aplikacije je da učesnici koji se prvi prijave imaju prednost. Krajnji rok za slanje aplikacija je 27. avgust/kolovoz 2012. godine.

U svrhu garancije, prije registracije za kurs potrebno je da svaki od aplikanata pošalje e-mailom (tnikolic@worldbank.org) objašnjenje za tri naredna pitanja:

- Razlog zašto ne možete platiti registracijske troškove kursa?
- Zašto je kurs važan za vas i kako ćete stečeno znanje primijeniti na svom radnom mjestu?
- Da li ste sigurni u vašu posvećenost za vrijeme trajanja kursa i garantujete li svoje aktivno sudjelovanje (8 – 10 sati sedmično)?

Za više informacija molimo vas da posjetite sljedeću web stranicu:

<http://e institute.worldbank.org/ei/course/sustainable-urban-land-use-planning> ili kontaktirajte sljedeći e-mail: tnikolic@worldbank.org



Pravilo aplikacije je da učesnici koji se prvi prijave imaju prednost. Krajnji rok za slanje aplikacija je 27. avgust/kolovoz 2012. godine.



**World Bank
Institute**



BiH OMOGUĆEN PRISTUP PROGRAMU "EVROPA ZA GRAĐANE"

Neprofitne organizacije, jedinice lokalne samouprave, kantoni, udruženja građana, sportska udruženja i drugi pravni subjekti iz BiH mogu učestvovati na javnim pozivima u okviru programa "Evropa za građane".

Ovo je omogućeno potpisivanjem Memoranduma o razumijevanju BiH sa Evropskom komisijom koju je prije pet dana u Bruxellesu potpisao šef Misije Bosne i Hercegovine pri Evropskoj uniji Igor Davidović.

Program "Evropa za građane" ima za cilj približavanje ideja Evropske unije njenim građanima, te promoviranje aktivnog uključivanja građana u proces evropskih integracija.

Inače, program, čiji je budžet 215 mil. eura, pokrenut je 2007. godine i trajat će do 2013. godine, tako da BiH ima nešto više od godinu dana da povuče sredstva iz ovog programa. U njemu sudjeluju zemlje članice EU, zemlje kandidati za članstvo u EU, kao i zemlje koje su u procesu približavanja EU.

U sklopu Programa moguće se prijavljivati na četiri skupine javnih poziva i to kroz "Aktivni građani za Evropu", "Aktivno civilno društvo u Evropi", "Zajedno za Evropu", "Aktivno evropsko sjećanje".

"Aktivni građani za Evropu" direktno uključuje građane, kroz projekte okupljanja građana gradova i općina iz različitih zemalja Evrope ili pak kroz druge vidove građanskih projekata.

"Aktivno civilno društvo u Evropi" koje je usmjereno na organizacije civilnoga društva i organizacije koje se bave istraživanjem evropskih javnih politika koje će primati strukturnu podršku na temelju svojih radnih programa (operativna nepovratna sredstva) ili finansijsku podršku za transnacionalne projekte (akcijska nepovratna sredstva).

"Zajedno za Evropu" podrazumijeva aktivnosti uključivanja građanstva na evropskoj razini u svrhu jačanja vidljivosti djelovanja EU i približavanja Evrope njezinim građanima (ovu aktivnost provodi sama Opća uprava i nacionalne Kontakt točke za Program). "Aktivno evropsko sjećanje" usmjerena je na odavanje počasti žrtvama totalitarnih režima kao što su nacizam, staljinizam i dr.

Program ima i pet glavnih prioriteta tema koje su važne za razvoj aktivnog građanstva na evropskoj razini i koje određuju glavne značajke koje Program promiče. Prioritetne teme za 2012. su budućnost Evropske unije i njene temeljne vrijednosti, aktivno evropsko građanstvo: sudjelovanje i demokratija u Evropi, interkulturalni dijalog, blagostanje ljudi u Evropi: zapošljavanje, socijalna kohezija i održivi razvoj, utjecaj politika EU-a na društva. Kako bi reagiralo na nove i specifične teme koje proizlaze iz aktualnosti na evropskoj političkoj agendi, uz stalne prioritete teme utvrđuju se i godišnji prioriteti koji se objavljuju na internetskim stranicama ovog programa.

Korisnici iz Bosne i Hercegovine mogu aplicirati na naredni nadolazeći rok koji se zatvara 01.09.2012. godine (za jedinice lokalne samouprave Aktivnost 1.1. - Bratimljenje gradova i Aktivnost 1.2 - Mreže bratimljenih gradova). Javni poziv još nije objavljen.

Savjetujemo da redovno pratite informacije na http://eacea.ec.europa.eu/citizenship/index_en.php gdje se nalaze svi neophodni dokumenti i gdje će biti objavljen poziv.

Mjera 1.1 Bratimljenje gradova

Cilj: Okupljanje građana partnerskih gradova u cilju jačanja međusobne saradnje i razumijevanja među građanima. U okviru ove mjere možete obrađivati bilo koje teme, poenta je prenošenje iskustava i učenje od partnera.

Podnositelj projekta: općina, grad ili OCD.

Uslov: najmanje 1 partner iz EU!

Savjet: Više partnera Vam daje veću mogućnost da Vam projektni prijedlog bude uspješan.

Aktivnosti: sastanci, konferencije, radionice, seminari, kulturna i sportska događanja itd.

Savjet: uključite što veći broj aktivnosti, kako bi vaš projekat bio raznovrsniji jer time imate veću mogućnost da projekat bude uspješan. Veoma je bitan i rezultat projekta, odnosno vidljivost tih rezultata.

Trajanje: maksimalno 21 dan na razini projekta

Učesnici: min 25 učesnika obuhvaćenih projektom (najmanje 1/2 ne smiju biti predstavnici lok. org. vlasti)

Savjet: Uključiti što je veći broj učesnika. Također, uključiti širok spektar različitih profila učesnika (studenti, srednjoškolci, penzioneri, paziti na gender balans itd.) Dio učesnika mora biti i od strane partnera iz EU.

Budžet: Budžet izračunavate na temelju sistema paušalnih iznosa i koji je jedan od najjednostavnijih načina izračuna budžeta. Tabela za izračun se nalazi u aplikacijskom obrascu koji ćete preuzeti sa zvanične stranice nakon objave poziva http://eacea.ec.europa.eu/citizenship/index_en.php

Napomena i savjet: Nema prefinansiranja - Sredstva koja odredite po sistemu paušalnih iznosa ćete dobiti nakon završetka projekta, odnosno 45 dana nakon podnošenja finalnog izvještaja, savjet je da vodite računa o broju učesnika koji navodite u projektu, jer je bitno da se finalni izvještaj i lista učesnika koju predajete poklapa sa onim što ste naveli u projektu!

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpabc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Korisnici iz Bosne i Hercegovine mogu aplicirati na naredni nadolazeći rok koji se zatvara 01.09.2012. godine (za jedinice lokalne samouprave Aktivnost 1.1. - Bratimljenje gradova i Aktivnost 1.2 - Mreže bratimljenih gradova).



Iznos: 5.000-25.000 eura ovisno o broju učesnika i trajanju aktivnosti projekta (manje ili više od 10 dana)!

Krajnji rok za podnošenje je 01.09.2012. godine (ukoliko ne bude promjena tj. rok može biti produžen, ali se ne oslanjajte na to) za projekte koji počinju od 01. Januara – 30. Septembra 2013. godine.

Savjet: Savjet je da predate projektni prijedlog 4-5 dana prije završetka roka, obzirom da je posljednjih dana moguće zagušenje servera, pa da se ne dogodi da ne uspijete podnijeti aplikaciju!

Mjera 1.2 Mreže bratimljenih gradova

Cilj: Uspostavljanje dugoročnih tematskih partnerstava među općinama i gradovima sa ciljem razmjene dobrih praksi, a koje se tiču približavanju Evropskoj uniji, izgradnji evropskog identiteta itd. Veoma je bitno da se vidi održivost takvih mreža i nastavljjanje saradnje i nakon završenog projekta.

Podnositelj projekta: SAMO OPĆINA ILI GRAD

Uslov/Učesnici: 30 pozvanih učesnika iz najmanje 4 općine/grada iz 4 različite države članice Programa (najmanje 1 članica EU)

Aktivnosti (Kao i u 1.1): sastanci, konferencije, radionice, seminari, kulturna i sportska događanja itd.

Savjet: uključite što veći broj aktivnosti, kako bi vaš projekat bio raznovrsniji jer time imate veću mogućnost da projekat bude uspješan. Veoma je bitan i rezultat projekta, odnosno vidljivost tih rezultata.

Trajanje: Max trajanje projekta 24 mjeseca – Minimum 3 zasebna događanja/aktivnosti gdje svako događanje može trajati max 21 dan uz učešće minimum 30 % stranih učesnika na svakom događanju.

Budžet: Također, po sistemu paušalnih iznosa. U Mjeri 1.2 također možete predvidjeti izradu nekih komunikacijskih alata (DVD, film, brošure, knjige) za što dobijete posebna sredstva. Također, dobivate i sredstva za troškove koordinacije (saradnje na projektu sa partnerima, komunikacije, sastanaka itd.) što se isto izračunava ovisno o broju partnera i trajanju projekta.

Napomena: Ima Predfinansiranja – obzirom da su veći i zahtjevniji projekti 50 % iznosa nakon potpisa ugovora, a 50 % iznosa projekta nakon finalnog izvještaja.

Iznos podrške: 10.000 – 150.000 eura ovisno o broju učesnika, trajanju aktivnosti!

Krajnji rok za podnošenje je 01.09.2012. godine (ukoliko ne bude promjena tj. rok može biti produžen, ali se ne oslanjajte na to) za projekte koji počinju od 01. Januara – 30. Maja 2013. godine.

Savjet: Savjet je da predate projektni prijedlog 4-5 dana prije završetka roka, obzirom da je posljednjih dana moguće zagušenje servera, pa da se ne dogodi da ne uspijete podnijeti aplikaciju!

Nakon što ste odlučili da uraditi projektni prijedlog u okviru programa Evropa za građane:

1. Preuzmite Programski vodič, te pročitajte sve detalje vezano za Mjeru na koju se prijavljujete u narednom javnom pozivu (Mjera 1.1 ili Mjera 1.2)
2. Nakon toga uđite na stranice Izvršne agencije http://eacea.ec.europa.eu/citizenship/index_en.php i pronađite objavljeni poziv (obično sa desne strane su novi objavljeni pozivi) kliknite na objavljeni poziv i slijedite korake koji se od vas traže.
3. Obavezno preuzmite **Vodič za ispunjavanje aplikacije** koji će vam olakšati ispunjavanje aplikacije
4. Preuzmite aplikacijski obrazac i uz pomoć vodiča http://eacea.ec.europa.eu/eforms/documents/citizenship/europe_for_citizens_eform_2012_user_guide_version_1.pdf ispunite aplikacijski obrazac.

NAPOMENA:

1. Pruzmete aplikacijski obrazac sa stranice Izvršne agencije nakon što ste ušli na link javnog poziva i spasite ga na svoj računar!
 2. Ne morate biti konektovani na Internet da bi ispunjavali obrazac, mozete ga ispuniti kao offline dokument! Popunite svoj obrazac!
 3. Dugme „Validate“ vam koristi da bi vidjeli da li ste sva polja popunili!
 4. Nakon što ste 100 % sigurni da ste sve pravilno popunili kliknite SUBMIT na kraju obrasca! Jednom kad kliknete SUBMIT dobijete referentni broj koji je broj vaše aplikacije i više ne možete vršiti bilo kakve izmjene, zato budite oprezni. NAPOMENA: da bi kliknuli SUBMIT i dobili broj morate biti konektovani na Internet, znači aplikacijski obrazac se podnosi tako da nakon što ga ispunite na svom računaru i kliknete SUBMIT (uz obaveznu Internet konekciju) se automatski povezuje sa serverom Izvršne agencije i šalje Vaš aplikacijski obrazac
 5. Možete printati aplikacijski obrazac za vašu ličnu arhivu
 6. Uspješno podnošenje obrasca znači da ste dobili BROJ i da ste dobili potvrdni email na adresu koju ste napisali u obrascu.
- Ove nabrojane tačke su preuzete iz Vodiča za popunjavanje aplikacije koji OBAVEZNO morate slijediti!



Program "Evropa za građane" ima za cilj približavanje ideja Evropske unije njenim građanima, te promoviranje aktivnog uključivanja građana u proces evropskih integracija.

Inače, program, čiji je budžet 215 mil. eura, pokrenut je 2007. godine i trajat će do 2013. godine, tako da BiH ima nešto više od godinu dana da povuče sredstva iz ovog programa.



Europe for Citizens Programme

Savez općina i gradova Federacije
Bosne i Hercegovine

Musala 5/1

71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u

facebook | join our group +

POSJETITE NAS NA WEB-U

WWW.SOGFBIH.BA

5. Obavezno popuniti i dostaviti ostalu dokumentaciju koja se traži (Declaration of Honour ili Izjava časti čiji obrazac možete preuzeti sa stranice, koju morate priložiti/izvršiti upload unutar aplikacijskog obrasca str. 14, koja mora biti u PDF formatu) i ostalu dokumentaciju koju šaljete poštom na adresu koja se nalazi na stranici nakon što uđete u tekst javnog poziva!

Za sve detalje, opise, ciljeve, smjernice koristite **PROGRAMSKI VODIČ** http://eacea.ec.europa.eu/citizenship/programme/documents/2011/programme_guide_en.pdf
Također, pročitajte novi **finansijski vodič** koji će Vam pojasniti sve vezano za finansiranje http://eacea.ec.europa.eu/about/documents/fik_1202.pdf

INSTITUT EVROPSKIH REGIJA — 8. KONFERENCIJA EVROPSKIH REGIONA I GRADOVA

Institut evropskih regija (IRE) od 23. do 24. septembra/rujna organizira 8. Konferenciju evropskih regiona i gradova. Centralna tema ovogodišnje konferencije je „Prevladavanje regionalnih razlika“. Konferencija će se održati u gradu Grafenegg u Donjoj Austriji. Za više informacija o konferenciji i načinu registracije posjetite sljedeći web sajt: <http://www.institut-ire.eu>
Institut evropskih regija (IRE) osnovan je 21. decembra/prosinca 2004. godine kao neprofitna privatna fondacija uz podršku austrijske vlade, nekoliko regija evropskih zemalja, nekoliko preduzeća te privatnih osoba.

IRE je službeno puštena u rad 4. maja/svibnja 2005. u austrijskom saveznom uredu od strane austrijskog premijera dr. Wolfganga Schüssela. Cilj IRE je jačanje političke i ekonomske pozicije evropskih regija stvaranjem mreža i saradnjom. IRE organizira manifestacije koje političkim predstavnicima regija i općina pružaju mogućnost za susret s predstavnicima Evropske unije, ekonomskog sektora, ulagačima i drugim stručnjacima. Izbor tema za te manifestacije je, prije svega- prilagođen zahtjevima i potrebama regija članica. Pored toga, članovi IRE redovno dobivaju informacije o njima važnim stvarima s područja evropske integracije.

IRE trenutno sarađuje s 95 članova iz 14 evropskih zemalja. Osnivanjem IRE stvorena je nadregionalna, politički neovisna organizacija koja se, u proširenoj Evropi i također na bazi Lisabonskog ugovora, bavi pitanjem dopuštanja regijama i općinama veći stepen važnosti, smanjuje postojeće deficite informacija, bavi se širokim spektrom pitanja i pokušava iskoristiti ekonomski potencijal regionalne te međuregionalne saradnje između evropskih regija. Važni aspekt bit će mreža između regija, općina i drugih oblasti javne aktivnosti kao i ekonomije za postizanje njihovih interesa.

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.



Savez / Zajedno za uređenu i razvijenu lokalnu samoupravu